



Concello de Vigo

D^a. YOLANDA AGUIAR CASTRO, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO

CERTIFICADO: Que a Xunta de Goberno Local, na **sesión ordinaria do 1 de xullo de 2021**, adoptou o seguinte acordo:

2.- SUBVENCIÓN NOMINATIVA Á ASOCIACIÓN “AULAS ABIERTAS COMEDORES ESCOLARES”, PARA AXUDAS A FAMILIAS MAIS DESFAVORECIDAS ANTE A PANDEMIA COVID-19 EN PERÚ. EXPTE. 218597/301.

Visto o informe de fiscalización do 21/06/21, dáse conta do informe-proposta do 04/06/21, asinado polo xefe de Área de Benestar Social, o asesor xurídico adxunto á Xefatura, a concelleira de Política de Benestar Social e polo concelleiro de Orzamentos e Facenda, que di o seguinte:

I. ANTECEDENTES

I.1. En data 01.06.2021 (Cód. Solicitud W556294-1819; Doc. nº 210095167), a «Asociación AULAS ABIERTAS COMEDORES ESCOLARES» presentou no Rexistro electrónico do Concello de Vigo unha solicitude de subvención para o desenvolvemento en 2021 do proxecto: “*La Respuesta de “Aulas Abiertas Comedores Escolares al COVID-19 en Perú”*”, co que se pretende acadar o seguinte obxectivo xeral: «*Procurar que los derechos del niño sean una realidad principalmente el derecho a la supervivencia y la salud lo que enlaza con nuestro objetivo de que cada niño reciba una alimentación equilibrada, y el derecho a la educación por lo que procuramos evitar la brecha digital para que ningún niño se quede descolgado de sus clases online*».

I.2. Achegouse tamén a documentación administrativa necesaria para a concesión da subvención: datos identificativos da entidade, Proxecto/Memoria xustificativa, certificacións administrativas de cumprimento das obrigas tributarias e coa SS.SS., estatutos sociais (constan no Exp. nº 182083/301; Doc. nº 190055402), acreditación da representación, NIF, certificación bancaria (consta no Exp. nº 196843/301), declaración responsable de non estar inhabilitada nin incurso en prohibición para ser beneficiaria das subvencións públicas, etc.

I.3. Mediante Resolución do 03.06.2021, a Concelleira delegada da Área de Política de Benestar Social ordenou a incoación de expediente administrativo para a tramitación e resolución de subvención a favor de «AULAS ABIERTAS COMEDORES ESCOLARES» para a execución dese proxecto.

II. NORMATIVA RELACIONADA

- Declaración Universal de Dereitos humanos, 10 de decembro de 1948.
- Pacto Internacional de Dereitos Cívicos e Políticos, 19 de decembro de 1966.
- PIDESC (Pacto Internacional de Dereitos Económicos, Sociais e Culturais, 19 de decembro de 1966).
- Convención internacional sobre os dereitos do neno, adoptada pola Asemblea Xeral da ONU o 20 novembro de 1989.



- CE/1978 (Constitución española, 29 decembro 1978).
- Carta Europea de Autonomía local, Estrasburgo 15.10.1986 (BOE nº 47, 24.02.1989).
- EAG (Estatuto de Autonomía de Galicia; LO.1/1981, do 6 de abril).
- LO.2/2012, do 27 de abril, de Estabilidade orzamentaria e Sostibilidade financeira.
- L.23/1998, do 7 de xullo, do Estado, de Cooperación internacional para o desenvolvemento.
- L.2/2014, do 25 de marzo, da Acción e do Servizo exterior do Estado.
- L.3/2003, do 19 de xuño, de Galicia, de Cooperación para o desenvolvemento.
- D.29/2017, do 9 de marzo, de cooperación para o desenvolvemento.
- LRBRL (L.7/1985, do 2 de abril, Reguladora das Bases do Réxime local).
- L.27/2013, do 27 de decembro, de Racionalización e Sostibilidade da Admón. local.
- L.5/2014, do 27 de maio, de medidas urxentes derivadas da entrada en vigor da Lei 27/2013, do 27 de decembro, de racionalización e sustentabilidade da Administración Local.
- L.15/2014, do 16 de setembro, de racionalización do Sector Público e outras medidas de reforma administrativa.
- LALGA (L.5/1997, do 22 de xullo, de Administración local de Galicia).
- TRRL (RDLEX. 781/1986, do 18 de abril, Texto refundido das disposicións legais vixentes en materia de Réxime local).
- LPACAP (L.39/2015, do 1 de outubro, do Procedemento administrativo común das Admóns. Públicas).
- LRXSP (L.40/2015, do 1 de outubro, de Réxime xurídico do Sector público).
- LRXCA (L.29/1998, do 13 de xullo, reguladora da Xurisdicción contencioso-administrativa).
- L.19/2013, do 9 de decembro, de transparencia, acceso á información pública e bo goberno.
- L.13/2008, do 3 de decembro, Lei de servizos sociais de Galicia.
- LXS (L.38/2003, do 17 de novembro, Lei xeral de subvencións).
- LSG (L.9/2007, do 13 de xuño, de subvencións de Galicia).
- RD.887/2006, do 21 de xuño, Regulamento da Lei xeral de subvencións.
- RD.794/2010, do 16 de xuño, polo que se regulan as subvencións e axudas no ámbito da cooperación internacional que se concedan pola Admón. do Estado.
- TRLRFL (RDLEX. 2/2004, do 5 de marzo, Texto refundido da Lei reguladora das Facendas locais).
- Orde EAH/3565/2008, do 3 de decembro, modificada pola Orde HAP 419/2014, do 14 de marzo, pola que se aproba a estrutura dos orzamentos das Entidades locais.
- RD.130/2019, do 8 de marzo, polo que se regula a BDNS e a publicidade das subvencións e demais axudas públicas.
- Bases de execución do Orzamento xeral – Concello de Vigo.
- Instrucción 1/2014 da Intervención xeral municipal sobre aplicación da L.5/2014.
- Nota informativa do 16.03.2016 da Intervención xeral municipal sobre a BDNS.

III. INFORME

III.1. En setembro de 2015 as NNUU aprobaron a Axenda 2030 para o desenvolvemento sostible, resultado dun amplo proceso de negociación e consulta aberto e participativo no que se implicaron representantes oficiais dos 193 Estados membros, organizacións da sociedade civil, universidades, o sector privado e a cidadanía mundial. Esta renovada axenda global para o desenvolvemento substitúe á plasmada na Declaración do Milenio do ano 2000.



Copia do documento - Concello de Vigo	Data impresión: 16/05/2024 16:55	Páxina 2 de 10
SUBVENCIONS	CSV: A3A947-EA43EC-B33439-LRBVLD-KVSQF8-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

Un dos obxectivos do desenvolvemento sostible (ODS), no marco da Axenda 2030, asumida tanto polo «V Plan Director da Cooperación Española 2018 – 2021» como polo «IV Plan Director da Cooperación Galega 2018 – 2021» é o de poñer fin á fame (“FAME 0”), acadar a seguridade alimentaria e a mellora da nutrición e promover a agricultura sostible. Preténdese poñer fin á pobreza e á fame en todas as súas formas e dimensións, fomentar a resiliencia e velar porque todos os seres humanos poidan realizar o seu potencial con dignidade e igualdade nun medio ambiente saudable.

III.2. A «Asociación AULAS ABIERTAS COMEDORES ESCOLARES» ten manifestado a súa intención de contribuír a lograr o cumprimento dos ODS coincidindo coa visión expresada na Axenda 2030 de “Conseguir un mundo onde non se deixe a ninguén atrás”, o que pasa por erradicar a pobreza nas súas múltiples dimensións, poñendo fin a todas as formas de malnutrición e facendo que todos os/as nenos/as teñan acceso a alimentos nutritivos, fomentando tamén que os fogares e as comunidades produzan alimentos para o seu autoconsumo de maneira sostible.

III.3. A incidencia da pandemia da COVID-19 en Perú figura descrita no Proxecto presentado por esta Asociación nos seguintes termos:

«La pandemia de la COVID-19 constituye para Perú, la mayor crisis económica y sanitaria de su época moderna y en el año 2020 su economía se ha reducido en un 12%, según el Banco Mundial, debido a esta causa. Las medidas de inmovilización del gobierno peruano fueron muy estrictas pero el cese de actividades contribuyó a una caída de los ingresos en los hogares peruanos. Se calcula que aproximadamente 3.300.000 personas han caído en la pobreza o pobreza extrema como consecuencia de la pandemia. De acuerdo con las estimaciones realizadas por UNICEF, de esta cifra, aproximadamente un millón doscientos mil (1.200.000) son menores de edad y se estima que los más afectados son los niños de las zonas rurales ya que la pobreza se incrementó de un 47,3% en 2019 a un 62,3% en 2020. La desnutrición y la falta de un acceso adecuado a la salud, son factores que pueden afectar a las futuras generaciones del Perú.»

El pasado año 2020 y en la actualidad, nos estamos viendo desbordados por una avalancha de solicitudes de ayuda por la situación de emergencia por la Covid-19. Muchas de las familias de los niños de nuestros comedores perdieron sus trabajos y en muchos casos fueron desahuciados de los cuartos que tenían alquilados para vivir, encontrándose de un día para otro en la calle. Esta situación hizo que tuviéramos que ocuparnos de buscar una solución habitacional alternativa para muchos de ellos y ocuparnos del pago de sus alquileres. También nos encontramos con la dificultad que tenían muchas familias con enfermos, para costear los medicamentos ya que algunos como el Paracetamol, subieron de precio en muchos lugares convirtiéndose en un artículo de lujo que no podían permitirse muchas personas vulnerables. Otra gran problema fue la brecha digital que hacía que se diferenciase todavía más las personas con poder adquisitivo y nuestras familias pobres o muy pobres».

III.4. Os obxectivos específicos do proxecto presentado son: 1º) garantir a alimentación básica das familias en situación de necesidade (tendo en conta o seu grao de pobreza e o número de persoas convivintes) mediante o reparto de alimentos, 2º) facilitar a adquisición de medicamentos esenciais para combatir a COVID-19, 3º) costear os alugueres das familias obrigadas a deixar as súas vivendas pola perda de traballo e ingresos e 4º) dotar ós/ás nenos/as dos materiais necesarios (teléfonos, portátiles, tablets...) para evitar as negativas consecuencias da “fenda dixital” na súa educación.



Copia do documento - Concello de Vigo	Data impresión: 16/05/2024 16:55	Páxina 3 de 10
SUBVENCIONS	CSV: A3A947-EA43EC-B33439-LRBVLD-KVSQF8-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Este Proxecto quere facer especial fincapé nos seguintes Obxectivos de Desenvolvemento Sostible:

- «1- Fin de la pobreza
- 2- Hambre cero
- 4- Educación de calidad a lo largo de toda la vida y en todos los ciclos educativos
- 5- Igualdad de género
- 6- Agua limpia y saneamiento
- 8- Trabajo digno y crecimiento económico. Apoyar la creación de empleo digno y el florecimiento de todo tipo de empresas».

III.5. Os impactos agardados coa súa execución son a melloría na saúde da poboación infantil e das súas familias e a diminución da desnutrición e a anemia, mellorando así o seu desenvolvemento físico e o rendemento escolar. Ademais, a través da formación académica e a diminución desa “fenda dixital” (posibilitando o acceso ás clases en formato on line) espérase conseguir que ningún/unha rapaz/a quede atrás no seu proceso formativo.

III.6. O orzamento total estimado pola «Asociación AULAS ABIERTAS COMEDORES ESCOLARES» para levar a cabo este proxecto humanitario en 2021 é de 94.533€ e o importe da subvención que se solicita ó Concello de Vigo de 10.000€, que destinará a «contribuir a la mejoría de la salud con una alimentación adecuada, proporcionar ayudas para los medicamentos y posibilitar una vivienda alternativa a aquellos que la han perdido especialmente en la provincia de Celendín y en Pamplona Alta (San Juan de Miraflores) en Lima...».

III.7. Os orzamentos do Concello de Vigo non prevén a referida subvención con carácter nominativo. Con todo, a posibilidade da súa concesión directa, con carácter excepcional e por razóns de interese público, social, económico, HUMANITARIO ou outras que dificulten a súa convocatoria pública está expresamente prevista nos Arts. 22.2.c) da LXS, 19.4.c) da LSG e 67 do RD.887/2006 e, no mesmo sentido, na Base nº 38, Apdo. 5.2, das de execución dos orzamentos municipais, que esixe acreditar a singularidade e as razóns acreditativas do interese público, social e HUMANITARIO concorrentes nas subvencións deste tipo.

III.8. A Disposición adicional 2ª da LSG, posta en relación co seu Art. 19.4, posibilita tamén a concesión directa das subvencións en materia de cooperación para o desenvolvemento reguladas na L.3/2003, do 19 de xuño, que inclúe entre os obxectivos desa cooperación a atención ás situacións de emerxencia das poboacións máis desfavorecidas que precisen da cooperación externa, tanto mediante axuda humanitaria como mediante accións dirixidas á reconstrución e ó restablecemento institucional.

Entendemos que no presente caso xustificáranse tanto a excepción dos principios xerais de publicidade e concorrencia que deben rexer esta materia como o interese público, social e HUMANITARIO da subvención á «Asociación AULAS ABIERTAS COMEDORES ESCOLARES», destinada garantir a alimentación básica das familias en situación de necesidade, a adquisición de medicamentos, procurar unha alternativa residencial ás familias que perderon a súa vivenda e dotar ós/ás nenos/as dos materiais necesarios para evitar a “fenda dixital” no acceso á súa educación.

III.9. O procedemento para a concesión destas subvencións iniciárase de oficio polo centro xestor do crédito orzamentario ó que se imputa á subvención ou por instancia do interesado e rematará coa resolución de concesión ou coa formalización do correspondente convenio.



Copia do documento - Concello de Vigo	Data impresión: 16/05/2024 16:55	Páxina 4 de 10
SUBVENCIONS	CSV: A3A947-EA43EC-B33439-LRBVLD-KVSQF8-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

A concesión desta subvención estará suxeita, especificamente, ás condicións e compromisos establecidos na propia Resolución de concesión (Art. 26 LSG, Art. 28 LXS, Art. 67 RD.887/2006 e Base 38 das de execución dos orzamentos xerais): obxecto, beneficiarios, crédito orzamentario, compatibilidade/incompatibilidade con outras subvencións, pagamento e xustificación, etc.

III.10. As competencias municipais en materia de cooperación internacional descentralizada atopan fundamento tanto na lexislación de réxime local (Arts. 2 e 25 LRBRL, 80.1 LALGA...) como, especificamente, na lexislación sectorial estatal e autonómica. Así:

- A L.23/1998, do 7 de xullo, do Estado, de Cooperación internacional para o desenvolvemento, habilita expresamente para que desde as entidades locais se leven a cabo accións e programas incluíbles no concepto de “cooperación para o desenvolvemento”, expresión solidaria da sociedade local que, en todo caso, basearase nos principios de autonomía orzamentaria e autorresponsabilidade no seu desenvolvemento e execución (no marco da política española de cooperación internacional para o desenvolvemento) e no de colaboración entre Admóns. Públicas, tocante ó acceso e participación da información e máximo aproveitamento dos recursos públicos. A lei inclúe entre os obxectivos da política de cooperación internacional a prevención e atención das situacións de emerxencia mediante a prestación de accións de axuda humanitaria (Arts. 3 e 20).
- A L.3/2003, do 19 de xuño, de Galicia, de Cooperación para o desenvolvemento, recoñece tamén esa mesma capacidade municipal para intervir en materia de cooperación internacional, considerando ás entidades locais como “axentes da cooperación internacional para o desenvolvemento” (Art. 23.1.a)).
- Finalmente, a L.2/2014, do 25 de marzo, da Acción e do Servizo exterior do Estado, reafirma que as entidades locais poden actuar no eido da cooperación internacional para o desenvolvemento e expresa que a Acción exterior neste sector orientarase a contribuír á erradicación da pobreza, ó desenvolvemento humano sostible e ó pleno exercicio dos dereitos, mediante a consolidación dos procesos democráticos e o Estado de Dereito, a redución das desigualdades, o fomento dos sistemas de cohesión social, a promoción dos dereitos das mulleres e a igualdade de xénero, dando unha resposta de calidade ás crisis humanitarias.

A seguir, enumera entre os suxeitos da Acción Exterior do Estado ás Admóns. Públicas (entre as que, loxicamente, inclúese a Admón. local) e prescribe o deber dos órganos constitucionais, as CCAA, as Cidades Autónomas, «as entidades que integran a Administración Local» e os organismos, entidades e institucións delas dependentes de manter informado ó Ministerio de Asuntos Exteriores e de Cooperación das súas propostas sobre actuacións con proxección exterior, para que este departamento poida informar e, de ser o caso, emitir recomendacións motivadas sobre a adecuación da proposta de actuación ás directrices, fins e obxectivos da Política Exterior fixados polo Goberno e os instrumentos de planificación establecidos por esta lei (Arts. 5, 11 e ccetes.).

Esta atribución competencial realizada pola lexislación sectorial en materia de cooperación internacional para o desenvolvemento ten fundamento mediato na propia CE/1978 (Preámbulo, Título Preliminar, Arts. 9.2, 10, 137...) e resulta congruente co contido do Art. 10.3 da Carta



Copia do documento - Concello de Vigo	Data impresión: 16/05/2024 16:55	Páxina 5 de 10
SUBVENCIONS	CSV: A3A947-EA43EC-B33439-LRBVLD-KVSQF8-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Europea de Autonomía local, ratificada por España, que establece que as entidades locais poderán, nas condicións eventualmente previstas pola Lei, cooperar coas entidades doutros Estados.

Outra cousa é o alcance do exercicio desta competencia, que estará necesariamente supeditado ás directrices da política española de cooperación internacional para o desenvolvemento e delimitado pola aplicación dos principios de colaboración, autonomía orzamentaria, autorresponsabilidade no seu desenvolvemento e execución e cumprimento da lexislación en materia de estabilidade e sostibilidade orzamentaria.

III.11. No proxecto presentado ó Concello de Vigo pola «Asociación AULAS ABIERTAS COMEDORES ESCOLARES» xustifícase expresamente a súa coherencia coas políticas de acción humanitaria do Estado contidas no «V Plan Director da Cooperación Española 2018 – 2021». Tamén resultaría coherente coas políticas de acción humanitaria da cooperación galega, concretadas hoxe no «IV Plan Director da Cooperación Galega 2018 – 2021», no que se inclúe a Perú dentro dos países prioritarios desa cooperación na área de América do Sur, xunto con Bolivia e Ecuador.

III.12. Toda vez que ten transcendencia económica, antes da súa aprobación polo órgano competente (XGL), o expediente deberá ser sometido a informe preceptivo de fiscalización previa pola Intervención xeral municipal (Art. 214 TRLRFL), a fin de verificar a existencia de crédito axeitado e suficiente para atender ás obrigas de contido económico derivadas da concesión da subvención.

III.13. O informe xurídico dáse por evacuado nos termos contidos no presente informe-proposta, redactado e asinado polo Asesor xurídico adxunto á Xefatura de Benestar social (Resolución Concelleiro delegado da Área de Xestión municipal do 07.02.2013).

IV. PROPOSTA DE ACORDO

En consecuencia, visto o que antecede e a normativa aplicable, propónse á Xunta de Goberno Local (Art. 127.1.g) LRBRL, Art. 31 LSG e ccdtes.), previo informe da Intervención xeral municipal, a adopción do seguinte,
«ACORDO

PRIMEIRO.- Conceder á «Asociación AULAS ABIERTAS COMEDORES ESCOLARES» unha subvención directa por importe de 10.000€ (DEZ MIL EUROS) para o desenvolvemento en 2021 do proxecto: “La Respuesta de “Aulas Abiertas Comedores Escolares al COVID-19 en Perú”, de acordo coa documentación e a proposta presentadas ó Concello de Vigo (Exps. núms. 218597/301 e 218595/301).

SEGUNDO.- Aprobar e autorizar o gasto de 10.000€ con cargo á aplicación nº 2310.480.00.14 dos orzamentos vixentes e á súa bolsa de vinculación, a favor da «Asociación AULAS ABIERTAS COMEDORES ESCOLARES», NIF G27794445.

TERCEIRO.- Publicar a subvención concedida no “Portal da Transparencia e Bo Goberno” do Concello de Vigo (<http://transparencia.vigo.org>) e remitir a información precisa á Base de Datos Nacional de Subvencións (BDNS), na que se deberá rexistrar unha “convocatoria instrumental” e os datos estruturados inmediatamente despois da concesión



Copia do documento - Concello de Vigo	Data impresión: 16/05/2024 16:55	Páxina 6 de 10
SUBVENCIONS	CSV: A3A947-EA43EC-B33439-LRBVLD-KVSQF8-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

CUARTO.- A concesión desta subvención rexerese polas seguintes Estipulacións:

1ª.- *Obxecto*: o obxecto desta subvención será a execución do proxecto da «Asociación AULAS ABIERTAS COMEDORES ESCOLARES»: “La Respuesta de “Aulas Abiertas Comedores Escolares al COVID-19 en Perú”, no ano 2021, co que se pretende garantir a alimentación básica das familias en situación de necesidade mediante o reparto de alimentos, facilitar a adquisición de medicamentos esenciais para combatir a COVID-19, costear os alugueres das familias obrigadas a deixar as súas vivendas pola perda de traballo e ingresos e dotar ós/ás nenos/as dos materiais necesarios para evitar as negativas consecuencias da “fenda dixital” na súa educación.

2ª.- *Beneficiarios/as e modalidades de axuda*: as persoas beneficiarias directas da axuda municipal serán os/as nenos/as e as familias en situación de necesidade das provincias de Cajamarca e Celendín así como de Lima, ás que se lles facilitarán alimentos básicos, medicamentos, aloxamento alternativo e material escolar axeitado.

3º.- *Crédito orzamentario*: o gasto que representa para o Concello de Vigo esta subvención (10.000€) poderá financiarse con cargo á aplicación nº 2310.480.00.14 dos vixentes orzamentos municipais e á súa bolsa de vinculación.

4º.- *Pagamento*: tendo en conta as características humanitarias do proxecto (enmarcable nas axudas de cooperación ó desenvolvemento) e da propia entidade promotora, realizarase un pagamento anticipado polo 100% do importe concedido, que se xustifica legalmente na necesidade de acadar unha maior eficacia e eficiencia na xestión dos fondos públicos destinados á cooperación para o desenvolvemento, tal como se indica na Disposición adicional 2ª, apdo. 2, da L.9/2007 (LSG), que permite arbitrar nas bases reguladoras da subvención “sistemas específicos de pagamentos anticipados de ata o 100% da subvención concedida” («Réxime especial das axudas en materia de cooperación exterior»).

De acordo co artigo 42 do Real Decreto 887/2006, de 21 de xullo, Regulamento da Lei xeral de subvencións e a propia Disposición adicional 2ª, apdo. 2, da LSG, non será esixible a constitución de garantías.

5º.- *Compatibilidade*: esta subvención será compatible con calquera outra subvención ou axuda para a mesma finalidade procedente de calquera outra Administración ou de entes públicos ou privados, nacionais, da Unión Europea ou de organismos internacionais. Con todo, a beneficiaria deberá comunicar ó Concello de Vigo a obtención doutras posibles subvencións, axudas, ingresos ou recursos que financien a actividade subvencionada.

Esta comunicación deberá efectuarse no momento en que se coñeza e, en todo caso, con anterioridade á xustificación da aplicación dada ós fondos recibidos. En calquera caso, o importe total da subvención ou subvencións non poderá superar o da actividade subvencionada; caso no que se procederá na forma prevista no Art. 34 do RD.887/2006, do 21 de xullo.

Se o custo total da actividade subvencionada resultase ser menor que o contemplado para a concesión da subvención ou se reducisen na execución da actividade subvencionada as actuacións ou elementos previstos como integrantes da mesma, procederá a redución da subvención na mesma proporción.



Copia do documento - Concello de Vigo

Data impresión: 16/05/2024 16:55

Páxina 7 de 10

SUBVENCIONS

CSV: A3A947-EA43EC-B33439-LRBVLD-KVSQF8-F1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>

A comunicación destas circunstancias ó Concello deberá efectuarse no momento en que se coñeza e, en todo caso, con anterioridade á xustificación da aplicación dada ós fondos recibidos.

6ª.- *Xustificación*: ó abeiro do previsto na Disposición adicional 2ª, apdo. 2, da LSG, establécese un réxime especial de xustificación.

A documentación xustificativa da subvención deberá achegarse necesariamente antes do **01.11.2021** a través da sé electrónica do Concello de Vigo (<https://sede.vigo.org/expedientes/sede/?lang=gal#2>) por calquera dos mecanismos de identificación admitidos nela.

A entidade beneficiaria deberá presentar un informe final que constará de dúas partes:

1ª) Xustificación técnica: indicará co máximo detalle posible as actividades realizadas, obxectivos acadados e resultados obtidos.

2ª) Xustificación económica: comprenderá toda a documentación que acredite os gastos efectuados con cargo á subvención concedida e realizarase mediante conta xustificativa que incluíra a declaración das actividades realizadas e o seu custo, coa desagregación de cada un dos gastos realizados.

A xustificación técnica incluíra:

- Certificación da persoa que ostente a representación legal da entidade beneficiaria acreditativa da total realización do proxecto e da aplicación dos fondos ó fin destinado.
- Informe final de execución sobre os obxectivos, actividades e resultados acadados polo proxecto. Deberá estar asinado pola persoa responsable da xestión técnico-económica do proxecto.

A xustificación económica comprenderá toda a documentación que acredite os gastos efectuados con cargo á subvención concedida. A conta xustificativa será con entrega de informe de auditor/a, que incluíra:

- Certificación dos gastos polo importe total do proxecto, asinada pola persoa que ostente a representación legal da entidade beneficiaria.
- (De ser o caso) Declaración responsable do representante legal da entidade, complementaria e actualizada, doutras axudas solicitadas, pendentes de resolución, outorgadas ou recibidas para o proxecto subvencionado.
- Relación de todos os gastos efectuados, con indicación da data e do número da factura ou do documento xustificativo do gasto, identificación do emisor das mesmas, data e forma de pagamento e descrición do gasto co seu importe en moeda local e o seu equivalente en euros.
- Informe do/a auditor/a de contas, que deberá estar inscrito/a como exercente no Rexistro Oficial de Auditores de Contas (ROAC) no caso de ser realizada por persoal sometido á lexislación española. Tamén poderá ser realizada por auditores/as exercentes no país



Copia do documento - Concello de Vigo	Data impresión: 16/05/2024 16:55	Páxina 8 de 10
SUBVENCIONS	CSV: A3A947-EA43EC-B33439-LRBVLD-KVSQF8-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

onde se leve a cabo o proxecto, sempre que no país de referencia exista un réxime de habilitación para o exercicio da actividade de auditoría de contas.

A presentación da auditoría coma forma xustificativa do gasto non exime á entidade beneficiaria da subvención do mantemento do soporte documental de acordo cos prazos estipulados pola normativa aplicable.

A beneficiaria deberá facilitar, de ser o caso, a información complementaria que lle sexa requirida pola Concellería de Política de Benestar Social e pola Intervención xeral municipal, Tribunal de Contas e Consello de Contas no exercicio das súas funcións de fiscalización e control do destino das subvencións.

7ª.- Protección de datos: en cumprimento do Regulamento (UE) 2016/679 sobre protección de datos de carácter persoal, da Lei Orgánica 3/2018, do 5 de decembro, de Protección de datos persoais e garantía dos dereitos dixitais e das demais disposicións vixentes nesta materia, infórmase que os datos da entidade beneficiaria e os dos seus representantes serán incorporados ós correspondentes ficheiros municipais baixo a responsabilidade do Concello de Vigo e ás bases de datos de xestión municipal e de Benestar social. A finalidade da súa recollida e tratamento é a instrución do procedemento para a concesión da subvención obxecto desta Resolución, a práctica das publicacións, comunicacións e notificacións de obrigado cumprimento, o seguimento e comprobación da actividade subvencionada e as demais actuacións previstas na normativa reguladora das subvencións públicas, en orde á conclusión do proceso de subvencións.

Poderán ser cedidos a outras Administracións, organismos e institucións, asumindo estas as obrigas dos responsables de tratamento de datos. Tamén poderán ser cedidos en cumprimento dun mandato legal ou xudicial e verificados e cotexados con calquera outros dos que as demais Administracións dispoñan a fin de comprobar a súa exactitude e veracidade. A base lexitimadora do tratamento previsto reside no consentimento expreso das persoas que representan á entidade beneficiaria e no exercicio lexítimo das competencias municipais atribuídas pola normativa de réxime local e sectorial aplicable. As persoas interesadas poden exercitar os dereitos de acceso, rectificación, supresión, oposición, limitación do tratamento e portabilidade así como opoñerse á toma de decisións individuais automatizadas, incluída a elaboración de perfís, na forma prevista na normativa vixente, perante o órgano responsable do ficheiro (Concello de Vigo). Así mesmo, teñen dereito a presentar unha reclamación perante a Axencia Española de Protección de Datos (www.aepd.es). Disporán de máis información na web municipal ou contactando co delegado de protección de datos no enderezo: dpd.vigo@vigo.org

8ª.- Réxime xurídico aplicable: A concesión da subvención obxecto deste Convenio rexerese, ademais de polas anteriores estipulacións, pola L.38/2003 do 17 de novembro, xeral de subvencións e o RD.887/2006, do 21 de xullo, polo que se aprobou o seu Regulamento, nos seus preceptos básicos; a lexislación básica do Estado en materia de réxime local; a L.9/2007, do 13 de xuño, de subvencións de Galicia; os preceptos non básicos da L.38/2003 e do RD.887/2006; as Bases de Execución dos orzamentos municipais e as restantes normas de dereito administrativo e, no seu defecto, as normas de dereito privado».

Non obstante, a Xunta de Goberno Local adoptará o acordo que estime máis conveniente para os intereses municipais.

ACORDO



Copia do documento - Concello de Vigo

Data impresión: 16/05/2024 16:55

Páxina 9 de 10

SUBVENCIONS

CSV: A3A947-EA43EC-B33439-LRBVLD-KVSQF8-F1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

CCA/me.

V. e Pr.
O ALCALDE,
Abel Caballero Álvarez.



Copia do documento - Concello de Vigo	Data impresión: 16/05/2024 16:55	Páxina 10 de 10
SUBVENCIONS	CSV: A3A947-EA43EC-B33439-LRBVLD-KVSQF8-F1	

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>